

涇

東

小

藁

涇東小葉卷之六

碑銘

通政使司右通政陳君墓志銘

嗚呼

英宗睿皇帝之盛德大業其至矣乎而其所先務曰用人天順紀元以來內而卿輔外而邊維無不極其察之精而躬扶擇用之雖堯仁繇試不無其人然一時稱得人亦盛矣其給事中御史曰在

上前者則多能面識而名數隨取隨得而各得其材盡其用若通政使司右通政陳君世用則亦一人焉君嘗為刑科在班行中儀觀豐偉音吐洪亮出入進退有常

度亦為

上所喜一日宣劾章既

上意有屬特命左右識之庚辰春兵部言建州女直夷  
都督董山等私交朝鮮國王李瑒令詔諭之使非文學  
才行廉介端謹士不可因以君名上

上是之且命譯史一人館伴十人以從君晝夜走朝鮮  
瑒惶恐奉詔賓主東西坐勤政殿中君起詰以董山事  
反覆責之大義曉以順逆利害之故瑒頽伏而懼語多  
諱君復巽詞誘之稍承伏一二年將盡請諱明日君厲色  
曰我來何為事不明不得別也至及私授董山官瑒固  
曰無之君途次已庶得其實笑謂曰正憲大夫中樞院

使誰所為邪始大慙服再拜稽顙曰此下國之罪今不復敢矣珍貨饋遺凡數四一無所受遠餞次復申前請以微物小德為言君卻之曰庶行其小德邪琛愈敬服曰天使得人是年六月滿刺加國當受封正副使已有成命將行

上遽命中貴人諭旨其以前使朝鮮陳嘉猷充滿刺加國冊封正使君行值風濤之變再渡海始竣事還適通政司闕叅議久不得請君入見後不數日是為天順七年四月七日特受通政使司左叅議

上於君其眷待之意如此而君今死矣夫豈徒可為君惜也哉初君景泰中在禮科時值灾異且秋露傷稼歷

言感名之由請君臣脩德以冀消伏又陳五事曰罷齋  
醮以紓國用曰節供應以省民財曰汰僧道以去游食  
曰禁私役以清軍旅曰驅民害以安善良皆切時弊戶  
部以鈔法不通請加兩京市廛及菓菜園稅民不堪為  
之罷市君力言京師根本重地軍民多非土著尤宜加  
卹豈可當民貧歲歉遽興重斂借使鈔法通如民疲何  
足國之道不在乎他省無益之費節無功之賞汰冗官  
之祿簡冗兵之餉罷不急之務禁游食之民則財賦自  
充國用自足矣奚必重科厚斂而有益於國乎它若申  
明科舉以抑奔競設儲積法以備賑濟限僧道額以革  
普度此類尤多君之有聲言路翹異衆中其來久矣君

姓陳氏諱嘉猷其字世用餘姚人宋咸淳進士應庠與  
其弟龍榮聯名其七世祖也祖性善國朝刑部吏曹郎  
中父贄前翰林待詔官至太常少卿致仕文學有名于  
世母姚氏封蒸人君自幼慕然志嚮十四五即能詩文  
嘗學於今都憲林公以偉器目之景泰庚午浙江領薦  
明年試禮部第五人擢進士上第授禮科給事中天順  
改元丁母憂服闋轉刑科給事中副陽武戾持節之開  
封冊封周王妃及汝南潁川義陽泌陽汝陰河陰諸王  
舉無違禮其使朝鮮滿刺加例賜一品服鏤金花帶且  
得過家上冢奉觴為少卿公壽閭里榮之叅議未滿考  
超授左通政踰月少卿公訃至詔君起復視事辭不允

既歸治葬畢丁亥始就職九月忽感微疾以是月廿二日卒年四十七

上聞悼嗟遣官賜祭其文有敷奏明達操行端良之褒公卿而下皆致吊君為人孝友恭慎銳意功業當官任事無稽誤而一以濟物利下為心遇不平事能辯曲直必得乃已與人交有始終接納之際人歸之為文章優於經學長短歌詩評者謂得許用晦李義山之趣所著師硯集皇華集出使紀行銀臺稿藏于家配為同邑徐用拙女封宜人子一人洵錢塘縣學增廣生有父風孫一人重恩洵以明年月日莖君西湖龍井之原乃奉君女弟夫潼川州判官前監察御史魏瀚所

為狀以埋銘屬於余、素知君而辱愛最深哭君之喪方以命不迨才為君痛惜不已銘可辭乎銘曰霽雲在天淒風發子甘斃消、歟焉竭子陳君則然勒銘其穴

号

鍾慶士墓志銘

鍾氏故家崑山太倉鎮其代序之祥譜逸矣慶士之大夫大用洪武初長公賦于鄉坐事徙屯鳳陽父妣重始得歸買宅邑中以居妣重年幾五十亡子納朱氏女而慶士生焉慶士諱壽字德基晚別自號檜岩老人成化三年十一月十九日以熱疾疽潰于背卒春秋六十四初妣重年召八袞卧病怡壽堂中已薦甚慶士憂皇弗



勝却酒肉居宿外舍每夕稽顙北辰求拯三日之夜夢  
神人言汝父壽止九十有四汝知之乎處士稅衣叫譟  
求益壽乃寤病亦隨瘥比沒其得年竟符其夢人以為  
孝誠所感處士所居去縣門不百舉武可到而閉戶養  
親跡不由中衢動或年歲澱湖諸旁近有田廬二三扁  
舟往來偶耕人牧子語或移日乃去榮辱不知憂患不  
交泊然世外人也娶沈氏子男四浩國學生吏部待選  
才與質兼羨次淵其次輔次翼則孽也五女適朱冕許  
頤沈顥顧望張澤孫男七人棠槩棊槃棊棊藥曾孫男  
一人照也處士之卒也邑大夫士相率走吊謂處士老  
母無恙且有子克肖諸孫森列斯然而弗克享顯融之

報莫不衰之國學以卒之明年 月 日奉慶士禱  
墓馬鞍山北先塋前事泣而哀、來謁余為銘余有親  
交之好且嘗從慶士之請為其母氏壽藏之銘以是尤  
哀之銘曰孝冠百行後世見稱惟孝也誠通神明鍾  
日以興錫類之徵

沈慶士墓志銘

成化三年十二月十九日蘇之常熟慶士沈君公美疾  
卒于家其子大理評事瑄聞計將歸哀經而過余奉同  
年進士翰林脩撰陸君所狀慶士事行請銘其藏予以  
鄉郡故不得辭慶士姓沈氏諱登公美其字自翀清軒  
其先杭人後徙常熟芝川家焉世知業儒曾祖仲理祖

伯諒考并莊皆不仕處士幼聰敏異常從父節菴先生  
竒之授毛詩能力學有聞鄉閭子弟多從之游然質素  
羸而多疾遂以養親教子自任而帷琴酒咏歌自適而  
已處士善幹蠱家日以饒裕而於待人處事恒過厚鄉  
人有以田屋見售者價惟其所欲既券償之其人或有  
悔價廉而致訟處士亟呼而益其價雖至再至三不與  
校不平者語之曰君何懦邪輒應之曰彼我鄉人也彼  
夫以貧乏吾得以有餘且人不能守而吾以為子孫計  
價雖過多庸何傷人服其達識比聞其子有官恒書誡  
之以為曰清慎勤曰勤謹和緩皆古之格言大訓吾所  
以願汝無喻此者蓋年五十有三而卒配馬氏子五人

長即瑄天順甲申進士擢今官次瓘次理次璵次璐女  
一嫁姚瑞孫二人復泰以其年某月某日卜塋于古  
城之東銘曰居其鄉懦夫然成其子惟其賢昭哉吾銘  
其永傳

李母淋人董氏墓志銘

萬全學士李經居母喪而其兄都指揮綾將以日月塋  
其母經忍哀為此數百言以予常識其父而重之又於  
其兄弟有官長師資之義置狀于几拜而後授諸其同  
學友朱佐又拜其友俾持以來北京請為墓中之銘予  
不復辭也為刪其狀而畀之銘狀若曰吾外祖父出西  
陲勲貴家有文夫子六人而女子惟吾母一人最鍾愛

恒曰是吾家令女不輕嫁凡子也比從調來宣府吾家  
門閥固相埒而先君子蚤孤家稍落吾母入吾門吾祖  
母高年而政嚴吾母事之旨甘必充婦道克恭焉吾姪  
嬀同居愛敬兩至而錙銖尺寸無私藏焉吾母平居指  
導烹飪能紉補之事不以貴自居不以長自恃焉而於吾  
子女內外之教先祠蒸嘗之禮塋域展省之儀則尤加  
謹焉吾外家每為吾母喜而先君子在官三十餘年公  
勤著聞而不役於家事者職此故也先君子既沒吾母  
雖老家庭禮法絜然不少衰獨於臧獲下人則寬待之  
有過多教之改吾兄弟或詬責之則呵禁止之曰女獨  
無生乎吾兄以功以薦累得進官訓之曰官可進志

不可忘也聞不肖經屢從良師友講儒書則喜曰此而  
父忘耳衣食之給特欲加異以敬動之於其累舉不第  
則又訓之曰尔學未至耳他不足問也吾聞士所當勉  
者學焉耳矣蓋其母董氏諱清字清安正統中以夫貴  
得賜誥命封泚人生六子長綾初襲父官指揮僉事  
陞指揮同知今署都指揮僉事次搢次紳次縝次純次  
經即為狀者女四其三已嫁指揮同知周賢指揮使楊  
琳楊俊婿也孫男五基堂舉址壘女若干洪武辛巳五  
月二十二日生成化戊子六月八日卒得年六十八卒  
之年七月三日葬沙嶺高原從先兆云銘曰是為李母  
泚人董氏之墓泚人者蘭縣中護衛指揮僉事俊之女

昭勇將軍宣府萬全都指揮使司都指揮僉事徽之妻  
徽子之有聞曰紱曰經之母也而父而夫子也蟬聯有  
歲在斯百千萬年

郁時中墓志銘

時中郁氏諱蒙亨時中字也其先高平儒宦家宋太子  
校書郎廷珪隨其子為平江府推官遂居于吳至時中  
七世祖德延徙崑山德迨子秀岩始兼治醫秀岩孫得  
之醫益精復徙今常熟之沙溪家焉曾大父伯昭大父  
繼善俱不仕鼎志母陸氏生蒙亨貌豐偉通經史知為  
人當務仁厚重倫紀幼喪其母稍長遇忌日輒悲感不  
能食父為縣醫學訓科伯久昇文以蘇州府醫學正科

而累使西域兄弟競爽効用于時時中躬任家產有田  
二百頃僮奴幾二千指能率以澹泊致饒裕而惟汲  
以濟利為心鄉之貧者稱貸薄其息歲凶即火其券嘗  
輸粟八百斛于官助賑恤朝走錫以冠帶愈益感奮  
行義尤薦三族之人賴以溫飽者數家有以疾來告者  
必予善藥金帛報謝必卻之曰吾世業如是不忍負也  
二父晚年致政家居鼎文素難事時中事二父皆得其  
懽心親賓過從二老者蒼顏白髮悠然於池臺泉石酒  
香花氣間樂而忘返也邑大夫賢時中之為人舉以世  
其父官時中力讓於其弟蒙貞為之或以之嗣見惜則  
曰茲命也吾家固自有人乃以蒙貞仲子容立為後夫



婦乳哺不間已出容既預鄉薦上禮部并取容之弟宣  
乳哺之如其兄焉時中父卒未葬哀毀中繼母周氏又  
卒感疾遂不起是為成化四年六月十三日得年五十  
八先娶吳氏繼沈氏崑山沈善慶女具女德容成化乙  
酉科鄉試舉人器質可望卜以明年 月 日從葬

沙溪先隴之次吾鄉前輩湖廣叅政沈公餘慶與今浙  
江叅政張君敬之鄰比且親沈為時中妻從父張君之  
弟成之則時中之子容婦翁也予昔往還城中固熟時  
中名又嘗與鼎志翁一再相見于張君家溫然文雅君  
子也於是容奉張君所造行狀介成之來徵銘遂不辭  
而銘曰吾薦吾倫猶子吾親為吾曾玄吾宗之人百

千萬春吁嗟乎若人之賢子其又何尤乎天子

先兄榆軒墓志銘

先兄榆軒葉氏之宗適先叅政府君之家子諱益一名仲益字與節以祖塋旁樹蒼鬱彌覆有大榆焉遂自號榆軒吳郡崑山人世官已具先府君墓版母湯氏以盛故天順初元朝廷賜誥命贈淋人兄早安恃先妣陳淋人撫而教之善書札精算數通經史大義事先府君理家政秩然可稱為人慈厚一過人接物有言即言一語不能藏人歸其至誠不自以為異也配季氏諱真字妙真長洲章練塘人父瑤母沈氏既嫁有賢譽先淋人以嚴治家乃獨見許與曰是能小心靜默真吾家婦

也一日入厨誤破碗即自脫簪珥頰伏謝過先淋入置  
不問而愈益愛重之兄永樂二年八月廿四日生成化  
四年十月初七日卒於正寢李氏生辛巳卒於宣德四  
年八月二日忘其生之月日兄繼配陳氏前兄數月卒  
兄自志其壙尚未刻也而兄之計忽至京邸盛適有南  
京按事之命哀服三日既即行於乎哀哉兄之子今存  
者男三人曰昂曰昂曰昇女三人婿朱珙徐江沈規孫  
男十一人曰洪曰漪曰澂曰濤曰瀾曰濤曰淞曰溶曰  
江曰海曰源女一人曾孫女一人李氏初權厝至是同  
陳氏從其夫俱祔墓金潼墓次兄卒之明年己丑閏二  
月癸酉也感重惟友于之義情莫能究於是道間歛泣

而為銘遇與謙弟於延陵俾持歸命昂等并刻之銘曰  
德惟直罔不飭靜專默女中特懿佳跡後法式尔振  
斯茲刻

温以平墓志銘

温以平吾大倉八十翁也太倉雖邊海遭時承平官軍  
家亦飽食無事如翁者得青鞋布屨徧走吳越間至遠  
踰荆襄所至因以遷化有無而貨息焉蓋官有公私之  
費家有養生卒死之需率由於是矣翁為人無競無忤  
以儉約謙卑見與於人中歲後倦游而歸家日以裕愛  
賓客至必厚款教子必使親師儒業詩書翁其戎行  
中之類特者歟翁姓温諱衡其字以平世為吳之太倉

人祖考思齊考德潤妣金氏其娶則俞氏先卒生二子  
一女子長璇次璿女子嫁陸慎孫男四曰厚曰柔曰高  
保曰鑑厚治易經為正統十二年應天府鄉貢士瀘溪  
知縣曾孫男一人翁年八十有五洪武十六年十一月  
七日出生成化三年十一月二十六日卒未葬而璇病今  
年璇又卒於是其家以陸慎來京師介翰林脩撰陸君  
鼎儀徵予銘將以 年 月日葬某原銘曰猗嗟乎翁  
樂善訢々一變而殷再變而文善也伊何勞謙儉勤其  
又奚求天維顯聞既豐其後亦錫之壽伐石載辭是亦  
不朽

卞益之墓志銘

常州故家有文行士曰卞謙字益之既卒且蓋矣其弟  
讓走京師乞余銘蓋讓寔亡友毛給事中倩狀又出鄉  
貢士翟永齡最詳為詢諸其邑人翰林編脩陞君簡而  
信可徵迺不復辭惟常之卞氏遠有代序益之五世祖  
伯齡元國子博士高祖均玉和靖書院山長曾祖子珎  
洪武中舉賢良不就祖公禮父季深皆隱德弗耀父受  
經為義民母邵氏益之有孝行父遘疾殆刲後作粥以  
進尋愈事諸父如事親事繼母許曲盡誠敬父卒喪葬  
一用朱氏家禮營墓祠有群鳥翔集三日夜之異或言  
此孝誠所致請置名其祠曰不肖罪逆之餘何敢取虛  
名聞者嘆服家故殷益之治家甚嚴內外斬一人無私

藏尼媪之類不及其門待家人尤有法所尊或少拂於  
理從容陳說致幾諫意若諸弟有過差旬日不與語相  
見亦不加目至能痛自悔咎則喜見顏色曰吾幸不復  
見吾弟過也鄰有盜未露密諭之以理其人慚謝改行  
嘗市色繪肆中誤得其二繪歸肆亦誤與不之覺立遣  
人還之其行義多類此益之素藏而多疾中輟舉業加  
購書籍餘萬卷自號書山終日手一編不釋脩輯家乘  
益精博郡中有大脩纂召預執筆同事者稱以先生歲  
丁亥發粟賑飢得賜官七品階承事郎成化五年四  
月十九日竟疾卒享年四十有八疾將革召諸弟泣曰  
吾奉先人遺體幸免僂辱今不幸死矣若等能協心比

義保家不忝前人不貽請鄉人吾目瞑矣言畢而逝蓋  
之配朱氏生子男二人長曰鼎克邑庠生次曰中孚女  
三人長嫁徐奎次尚幼其生為永樂壬寅十一月九日  
其塋以卒之年十二月二十一日穴從其祖塋禮也銘  
曰嗟々若人子雲木之涯金玉其躬子宜國宜家祿則  
有弗及子年又弗遐我思若人子噫嘻柰何

華慶士墓碣銘

華無錫之著姓而鷺湖之族為尤盛有若山桂慶士則  
尤其族之賢者也慶士之子正持所謂慮得集家勸等  
詩書拜予曰此先人所遺蓋得之於先大父而寔先曾  
大父教詔所在先人於是書不敢一日忽忘而以及於



不肖輩不肖輩其敢忽忘哉惟是先人之墓道有石焉而未有銘敢用是固請於是問慶士之為人曰先人少負材志痛世業中衰克自樹立辟良田督耕作家日以斂性儉約服止寒帛食不重味而獨好施予周貧賑乏日以為常湖田苦多潦為築長隄以捍水蓄劉團荻澤諸河病涉者衆屢伐石為梁費累鉅萬無怙色郡太守縣長貳知其賢舉長其鄉之租稅以公平稱者踰五十年不變既老始得力辭去里中下溼有旁地可族莖先大父志也先人厚價募力得美壤數百艘又得名木若干樹之由是隱然鬱然觀者駭嘆先人喜曰吾可以見吾父地下矣先大父五子先人最長而友愛均一莫年

追隨欽諱泉石間鬢雪輝映可畫又問其世曰吾家南  
齊孝子寶之裔距孝子二十一世至宋諱原泉者南渡  
不居無錫之隆亭又六世曰起濱遷瑛陽生璞元晉莫  
兆曰總管璞生鉉功德使司都事夫人陳氏盛年守節  
當時旌之庶再世又遷鷺湖至于今家焉按處士諱宗  
隴字思濟別自號山桂翁曾祖幼武祖宗諱始遷鶴湖  
者著書教子學行有聞於時父興叔母碩氏得年七十  
有八卒為成化元年八月六日以明年三月一日附塋  
近祥鄉新陽里先塋之次娶鄒氏子男五人方正鄒出  
端敬莊皆出別房女三人皆嫁為士人妻孫男十七人  
曾孫男七人正遠來京師請銘正與端及其孫之炳名

者皆以納粟抹飢 朝廷予冠帶若仕宦然銘曰前有  
援後有柳如穎如呂厥亦多有孰不家有訓孰不欲貽  
遠久揆若子與孫泯而不聞什八九嗟哉處士克承尔  
先宜式爾後銘以著之滋不朽

夏孺人馮氏墓志銘

中書舍人崑山夏君德聲之哭太常公之訃也以人子  
之禮緝揚論譔其於當世名卿材大夫當致力於文字  
間而亦猥以求於予、既有以答之矣瀕行復來泣而  
言傷哉天乎何降割於文振而至是乎方其禍延吾先  
公則先已及於吾妻矣吾妻素多疾至是病加劇而卒  
其卒也雖家人匿不聞而先公未卒前猶憐、念其病

不已吾妻之為人可知葬亦宜有銘惟是文振以先生  
辱愛之故不於先生求而將求之誰哉予諾之而適有  
家事未暇也既而德聲特介抵恒山且以狀來狀之路  
以謂吾妻馮姓清名其字淋清其先本肇慶陽江人大  
父某嘗為閩之侯官簿家焉吾妻之父某亦嘗仕三而  
不能顯以卒其為南昌運運大使時先公守瑞州往來  
南昌蓋識之於稠人中而知其為佳士且聞其家多令  
女由是而文振於吾妻得委禽焉吾妻女兄弟四人無  
一人不貴其一嫁都司家其二教官其一為吾妻吾妻  
誠賢也先夫人特知愛恒曰是新婦簡重慈惠能如吾  
意也吾妻之父老而倦游吾先公以手書招之館於崑

城而吾妻之於父母也孝有不衰吾妻一子景澄吾庶  
子景澗女子琛、而吾妻之於教育也恒均一景澄受  
聘于葉瑜、許嫁海虞魏玠皆未行而吾妻皆不及見  
之矣於乎悲夫吾妻嘗以文振貴得 賜勅命封孺人  
宣德壬子十月四日卒成化六年五月一日卒得年三  
十九以是年某月日葬從邑東城先塋之次惟吾妻在  
室為賢女在吾家為賢婦於文振為賢妻於吾兒為賢  
母於吾妻之姪婿為賢正適而乃今皆失之於乎悲夫  
予友臨川教諭朱希仁德聲外姊夫也其待還京師以  
德聲意屢來予家而言必及孺人之內行以為女婦中  
之君子也予固已信之矧重以德聲之請之勤之言之

悲有若是邪遂不葬而著銘以遺之銘曰宜福也而厄  
宜壽也而歿於乎天子可問亦可親尚視其嗣人

朱評事墓志銘

成化六年五月十一日大理評事朱樹之疾卒于家計  
至京師予蓋樹之父并行也而樹之能直言嘗有益於  
予哭之慟自為文祭之所以致予情者畧具已而其  
鄭膏乃以長書械致其行狀求為其墓銘於乎予尚忍  
銘樹之昔者稽勳郎中倪輔嘗論士於余曰同年進士  
崑山朱萱自同吏部觀政至萱得官去前後相與處者  
四三年其人泊然自持畧無勢利心表裡終始一致也  
同年中雖素知萱而自以為不及者往往皆發得美官

顧萱屢失之乃或為萱致深惜則曰出處願有命耳無  
愠辭亦無愠色如其人誠不易得也於乎士習日下不  
量材力不問其行已晝夜惟官職崇庠是計甚焉者至  
利媚于人雖倖得而苟全或有之其視吾樹之安命之  
云未必不迂且笑然其人之賢否何如吾樹之豈獨賢  
於今之人哉樹之朱氏諱萱其字樹之吳郡崑山人曾  
祖天祐祖顯父珍母鄒氏繼母吳氏生三歲母亡兄永  
康教諭芹教之習禮記又從開封鄭介菴先生說詩景  
泰癸酉以禮記經中鄉試天順中登彭教榜進士第授  
大理左寺左評事越二年以疾告歸至是卒得年三十  
六娶何氏繼室姜氏子男二曰鼎曰得全尚幼女一以

是年某月日墓西溢瀆高原樹之為人恭謹端實居官  
敏達而有守同官者服其能詩歌筆札皆有師法清潤  
可愛予既知重樹之於其墓中之託義不可以復出辭  
為叙次如右并系之以銘其辭曰賢科進士法官評事  
其年強仕其人君子而遽止於此噫

陸慶士墓志銘

陸慶士初冒徐姓其曾大父士明元之  
諸國中竟阻兵不返於是其大父福為後於徐父繼  
宗以及慶士之世遂皆仍其姓蓋久矣去年夏朝廷  
下部符俾復陸姓從慶士之子吏部主事容請也容既  
得官即迎養其父母官下未幾慶士卒乃以張璠所為



狀求子銘容卓有文行而處士子舊所識也美辭處士  
諱裕字惟敬蘇之崑山人為人朴厚坦直言行不苟且  
而孝友天至弱冠痛其父客死于淮返葬已其季弟祺  
方在襁褓即與其妻抱哺之曰母重吾母憂勞也且語  
仲弟祐吾與若幸有母可養然為養必有道其商游乎  
以儉勤自勵者數年家日饒裕而其母樂也母嗜魚一  
日澤中與漁者遇得巨鰕命舟復歸母訝之曰兒欲以  
奉母不能託人商游中多喜聲妓不之怪而自治則嚴  
甚惟善飲。醉不它語有告及他事搖手不答頽然  
就寢而已或疑其矯飾中夜醉挾美姬往欲以污之笑  
而起謝之辭婉而正其人愧赧去後以其弟長無子令

奉母家居司泉貨出入里中務私蓄者多化服季弟尤為母所愛待之曲盡恩意然有過必聞諸母不少貸曰弟不韋無父而復姑息之可乎子容有美質益加善教舉進士登第親朋走賀以為處士榮曰未也使其為官有廉能聲斯可矣及除南京貽書戒之曰為官與商正相反吾猶及見前輩好官視金帛如視仇讎當亦若是則者黷之其卒為成化六年六月二十五日也得年六十二配陳氏生二子容其最長南京吏部驗封司主事其次宏也孫男三人仲傑觀壽女三人其二許嫁某其一尚幼卜以某年某月某日塋太倉城西陳門塘北先塋銘曰嗟。處士有開必先成此令子四世百年乃復

伊始嗟。慶士今其歿矣其藏是在是

太孺人張氏墓志銘

余聞海虞徐敏妣名舊矣一日其子工科給事中恪哀  
經奉翰林編脩同邑李君狀求銘其生母太孺人張氏  
而得敏妣為人之槩焉太孺人之歸於徐也居敏妣之  
少房而周孺人者敏妣配也敏妣治家於閭內外甚嚴  
太孺人能心而行之無遺禮於閭以內尤謹正適偏庶  
之分太孺人之事周則曲盡誠敬得其懽心敏妣一子  
悌幼而所生母亡命太孺人母之太孺人息撫甚至悌  
既天晝夜悲哭致疾人不知其非已出也敏妣懷憂  
自負以輕財重義聞于郡中太孺人辛勤助相婉順以

從雖所費不貲而不敢有吝嗇意它日家有施予諸子  
或難之即舉教於事以告曰汝父所為若是若輩藉其  
餘澤以有今日不加培植於前人而惟財利是惜吾恐  
汝父之澤將日微矣子忒恪自邑庠歸省或事游嬉則  
曰汝父遭家中衰少歷艱虞又乏兄弟之助夙夜躬儉  
勤以興復其家尤樂與賢士大夫游薦好詩書雖百為  
空惚手未嘗釋一編今汝輩學有明師家有諸兄幹盍  
所宜淬礪以圖厥成以副汝父之志乃玩愒時日若是  
邪於是忒以正統丁卯貢士知閩之古田縣事恪繼以  
成化丙戌進士授工科給事中三載當進階得賜勅  
命贈教於儒林郎工科給事中贈周孺人太孺人亦受

今封噫觀太孺人之訓勅其子如此則敏於之賢可知  
是宜其諸子之有成而 朝廷之於臣下褒嘉所及豈  
偶哉太孺人姓張氏其先松江人僑居海虞洪武乙亥  
七月二日生咸化七年十一月廿六日卒享年七十有  
六子男八人其四出太孺人蓋慎愷周出悌懷忒懌校  
恪內唯悌懌出別房女三人壻王素錢某夏珉嫁錢某  
者寡居守節 詔旌其門孫男若干曾孫男若干女若  
干以其年月日禮葬某處高原銘曰既成其家亦令其  
子馳恩有米鏡石以俟

夏母喬碩人墓志銘

碩人姓喬氏諱某兗州泗水人遼東行太僕寺主簿諱

福之女嫁崑山之夏為贈禮部主客清吏司主事諱元  
之冢婦儀制負外郎諱遂之丘嫂建寧屬倉大使前臨  
海縣丞諱佑之妻初夏之外氏林松谷先生者其家罷  
官東藩而歸愛其甥為擇婦而以碩人為賢納焉既而  
臨海任儀制赴科第家故無厚蓄且連有喪臨海任亦  
頗齟齬北南去來萬數千里皆碩人與俱相助寔多臨  
海後歿于建寧其歸也碩人晝哭引柩掖少寡保抱其  
遺孤間闕祇家營葬畢督僮奴田圃于外機杼于內凡  
十有五年如一日而於家庭祭奠豐潔逮下以恩教其  
子嗣業詩書戚姻鄰黨吉凶相遺猶臨海尚存時也  
臨海豪俠好客座常無虛席柘槩為樂或無曠時碩人

躬執勞不怨不厭子男三人長涇早卒其次天景幼子  
汶側室雷氏出女一人適龔紘孫男一人啓昌女一人  
成化七年正月一日卒得年六十五明年某月某日塋  
延福菴西北高厓合臨海兆汶哭父時踰十齡今讀  
書知學問即屢為書奉狀來乞銘者余與臨海兄弟交  
蓋嘗嫂呼碩人而今亡矣古詩人所謂宜家所謂不妬  
忌庶乎其皆有之宜有銘曰無負而天無負而似噫  
嘻難哉女婦能若是

奚進士墓誌銘

聖朝有科目采吾蘇得士之盛四方士所知也成化己  
丑進士科有若郡之倚郭吳縣得張習奚昌顧紘三人

今盛矣昌字元啓老於問學又不利於場屋張習固其  
學者而不獨習也行人張述古評事周觀主事周瑄陳  
策中書舍人汝訥皆嘗受經元啓皆先元啓起科第人  
官它仕州縣處學校及自它進進者尚多其人於是元  
啓在進士中卓然有名辛卯歲當大比江西布政司走  
驛馬言西江名藩也主校文字得進士奚昌可耳以目  
疾辭不赴是年夏京師大疫一日顧鉉者卒於疫元啓  
適過余曰鉉有孝行郡中顧寅仲先生子也異哉郡中  
永樂間通經博古有顧先生景泰有文行士顧珣皆  
以進士卒於家而今也鉉又及之三子者其氏同其不  
幸又同顧先生長洲人若珣鉉則又皆昌同邑人也亦



異哉相與惋惜而去夫孰知不數十日而疫及於元啓  
亦卒焉於乎天之於人才一何難也其生也不偶其成  
也不苟甫成矣而又或奪之以不壽觀於蘇觀於元啓  
可知蓋科目之得人信乎其為盛矣而猶有不然者出  
乎其間人才之難得如此而於用才乃欲得而易視之  
可乎哉奚故邑鉅家曾祖漢卿祖士賢父公瑾皆無仕  
者母蘇氏元啓明易旁熟詩書經其文章主理趣平易  
曾達可觀正統甲子以易經中南都鄉試屢辭副榜最  
後得 賜張昇榜第二甲進士出身觀政吏部為人惇  
行誼一第極友愛平居束脩所得悉畀之雖甚費不吝  
交朋友謙虛自處見者忻慕性酷嗜賦詩家雖屢空不

恆吟詠之聲日出戶外而乞其詩者屢相接也以某年  
月日卒其生永樂辛丑十一月廿二日得年五十一配  
姚氏生一子曰先二女長嫁同郡李琦次未行墓在光  
福山某原元啓在京師海虞陸郎中景與之交特厚比  
屋而居且莫恆相與論益故其卒也後事經紀陸皆任  
之而又為狀來請銘曰嗚呼此進士矣元啓之墓也  
為經師為詩人曰罔不宜可不泯

故禮部主客司主事吳公墓誌銘

吳公偉人也故刑部尚書劉公廣衡左都御史謚莊愍  
寇公深皆郎署舊僚太子少保今吏部尚書致仕曹州  
李公公法司中觀政進士也公既以一部主事老退休

下而三數公者厚念之不哀莊愍遇鄉人輒奉起居曰  
吳兄吾師友也劉公寫詩寄意者至屢然公有聞咲  
而頷之一不為答由是士論答高其為人李公初以都  
御史填邊即疏言崑山吳凱以有用之材居閒散之地  
其人器識不凡達大體可用也不報噫吳公蓋三數公  
之流偉人也使吳公用焉如三數公其自見於當世寧  
肯下三數公哉公吳氏諱凱字相虞自號冰蘖道人世  
家姑蘇之崑山曾祖某祖才父公式用公貴贈刑部雲  
南清吏司主事母陳氏封太安人初公在坼而父立既  
生公家復被蓄母年尚少甘貧守節育而教之公自幼  
秀朗異常規垂髫中里胥見役即詣縣令自陳家有老

母寔不能遠離性竊有志于學幸矜念耳時賢令鄆城  
芮子翔異其言問論語書數條響答無滯立遣就邑庠  
充弟子貧越二年以能書赴京預脩永樂大典書成受  
賞而還歲戊戌膺貢入太學又明年中順天府鄉試宣  
德五年授刑部廣東司主事逾年改行在雲南司兩司  
皆兼理京府踴繁劇公皆優為之日收善譽初考績景  
賜勅命階承德郎正統丙辰乞歸省祭還朝改禮部主  
客司賢譽不減刑部時以其母高年且無它子弟力乞  
歸養大宗伯胡公留之至再不可得也既歸孝養備至  
居數年母卒喪盡禮且公晚得子而連得三子治  
生有道日以殷裕享優游之樂者幾四十年一日體中

覺有異呼諸子而語之曰吾平居不有教乎毋驕奢毋  
忘忠信毋虐母爭以貽我羞明日卒成化七年七月十  
四日也壽八十有五配沈氏先卒贈安人子男三人長  
恩輸粟于官授承事郎次惠次愈成化四年應天府鄉  
試舉人女二人壻顧忸翼綬曾孫男一人壽祖公孝友  
慈惠一女兄寡居子幼念其相去遠為買屋近家存撫  
至今女有子亦家居同諸子學使皆有成而自處綸約  
食不魚味衣不屢易加補綴而已美風儀脩整嚴峻見  
者知敬家庭閨閫禮度秩然一言行不苟且鄉人有不  
平求辯者直告以是非之公非公事不一至公府有邑  
大夫問為政之要對曰親君子遠小人蓋有所規也其

八感服諸孤將以是歲十月廿八日墓城中先塋之東  
隔奉浙江叅政張君狀遠來京師請銘余承公計為之  
嗟悼者移日不勝鄉邦老成彫謝之感銘其可辭乎銘  
曰孰完五福惟善日不足孰永終譽名不必公與卿吁  
嗟乎公後有考於茲銘

湯母太孺人梁氏墓志銘

太僕寺丞恭和楊昱之母太孺人卒將墓矣以子肩楊  
氏交奉其季父尚寶卿狀簡所為狀泣而拜請銘昱在  
太僕能樹立且其請余銘也尚寶與偕來有不容固辭  
者乃按狀而書之曰太孺人梁氏諱某魯王府紀善本  
之先生女母陳氏梁楊皆邑中文獻家昱大父太師文

貞公又素善本之先生故文貞公之子孟碩遂委禽焉  
太孺人既入門上下交譽共賢文貞公一志為國不違  
其私初孟碩母嚴夫人歸造家復居址治棟宇貽謀之  
及役人之共以及賓客祭養之大者太孺人之助內其  
力能不自貴愛躬任其勞事人難之迨文貞公厭世繼  
郭夫人就養而歸時孟碩亦既物故太孺人之治家諸  
凡敬事尊老輯睦羣衆以忠厚遜抑待隣曲勤勵保生  
業以詩書課督諸子雖群從子弟苟有志于學者亦聽  
館教于家巨細事處之各當其道尤難之天順初太  
孺人以其子中書舍人昱貴朝廷推恩授令封成化  
七年春秋六十有四八月廿八日疾卒于正寢以明年

某月日祔塋縣北舍陂之原子男六長即昱也次晟次  
暉校官弟子負次暉太學生次晏次啓女二嫁當德府  
學訓導蕭正中書舍人王休孫男十一人某其女七人  
曾孫男二人破礫女一人狀言太孺人履時榮盛而益  
薦其勤遭家多故而不隳其政它懿行之可書者非一  
至形諸嘔嘆惜其不能久生於家且以為其家之休戚  
係之蓋尚寶之重其止嫂如此而士夫君子之知楊氏  
者僉以為然是惡可以不銘復系之以銘銘曰禮云女  
婦外莫專美別多有世罔聞倚太孺人閨壺賢江鄉不  
日君子言我其取之登此錫雲仍來慎爾傳

榮祿大夫後軍都督府都督同知孫公壙志



公諱安姓孫氏世為揚州高郵人曾祖文贈榮祿大夫同知都督府事祖成父煥俱贈鎮國將軍同知都指揮使司事加贈驃騎將軍都指揮使司都指揮使再加贈與曾祖同曾祖母王氏祖母李氏黃氏俱累贈夫人公之祖元萬戶兵元年從軍以功授龍驤衛百戶調大興左衛父襲從

太宗文皇帝靖內難累陞至指揮僉事公其嫡長也永樂十三年襲父官二十年從征幕北至殺胡源明年復至湯河又明年至三岔口洪熙初從陽武侯哨開平大同皆有勞績宣德三年從克大寧獲生口賞銀絹鈔錠十年兵部舉陞山西都指揮事分守遼東正統初從

都督蔣貴巡甘肅三年兀魯乃破賊陞都指揮同知四年調管福建都司事五年復調萬全都司九年從都督朱謙會左都督楊洪至以克列蘇與虜戰捷陞都指揮使守備紫溝堡十四年八月虜犯獨石棄不守楊洪奏陞公後軍都督府都督僉事以提督往而賊尚圍龍門既敵退還京移填山西不久還景泰元年廷議以公老練可用仍以提督往獨石至長安嶺八城時八城榛蕪已久公以次收復先赤城鵬次馬營獨石雲州長安嶺龍門衛所先是赤城雲州鵬長安嶺惟土築不堅公晝夜經畫志被以甃又築拒敵土堡以防衝突以便耕牧者二十餘所壁山井地凡昔之所未戢者無一不

至於是八城復完加於舊觀矣四年春朝廷嘉其賢勞命充宣府副總兵加鎮守蒞事如故累賜文幣四有副白金二十兩五年十一月以病風不愈勅取來京養病仍本府支俸成化丙戌以子驥優給辛卯襲是年公春秋七十有六十一月廿二日卒有司以聞上為之悼嘆命光祿備祭物遣禮官諭祭自聞喪下葬至百日周歲除服各一壇戶部順天府給糧布工部給棺槨營塋事凡恩典悉如任官蓋異數也公之娶前後正側十餘今存者張氏封夫人次王氏張氏王氏又次閻氏蔚氏前王氏生一子驥也女二人長嫁前軍都督僉事贈都督同知周賢張出次嫁永清左衛指揮使李榮亦王

出以明年正月日葬宛平縣香山鄉高原惟公天資英  
德號令嚴明當事果敢有為而忠勤為國之心老而  
益薦卓然一名將也若有以為而造物者以疾病困之  
竟賈志以歿惜哉其平生事業著於宣府稍見於聞而  
莫盛於脩復獨石之功既老且病自以為無所用於世  
絕口不復論往事且落難合不妄交與人今知公之  
為人而譚公之事者寡矣故其墓也驥來哭而言先人  
嘗幸辱同事願乞一言為銘適余有未暇為姑書其功  
代梗槩世官次第與夫

明天子之不忘舊勞褒榮哀恤之大者納諸其壙中尚  
有俟於他日云

恭人張氏墓志銘

恭人姓張氏諱亨都察院右僉都御史東安李公侃之  
也張江浦望族恭人為後軍都督都事贈刑部主事後  
民女廣東左布政使瑄姊而李公於元翰林學士承旨  
楚國公為曾孫檢討為孫洪熙行人司副贈太僕寺少  
卿為子國子監丞伸為弟內外族亦既顯且盛矣而恭  
人在則兩族之人稱其賢歿則皆潛然出涕曰噫天胡  
奪吾賢淋之遽也初永樂中少卿君訓導江浦廬貧如  
其先主事君自太學家居能識李公於諸生中謂少卿  
君先生有令子未能娶而吾一女愛之不可輕擇人非  
良偶邪少卿君曰君之言然遂定昏盟後李公果與主

事君之子瑄同進士登第世以為嘉話恭人既入門安於澹泊不足輒得請傾世粧為營辦李公在戶科已有直聲一日將言迎復事晨興屬草鐙下恭人見之曰聞諫詞貴微婉今不太激聖從之舅姑疾視湯藥衣不解帶至手滌虎子不以為勞李公出填山西者久閨門肅如吉函慶吊止以諸子行人從山西來雖親舊饋遺往來悉廢不舉姑太恭人陳氏年幾百齡在堂恭人旦夕率諸孫其前親為講說小學女誡等書忠孝故事遇可喜處令諸孫笑舞娛悅婦姑相驩以為常太恭人恒曰吾家孝婦吾孝子也太恭人卒明幾二十年家人私議以為未嘗見恭人於姑前輕一就坐其孝謹如此李公

有從兄贊而蚤亡能即迎其遺孤母子同居至今又如  
已遺僕媪家俱歿死其一老母一穉孫行乞於道復歸  
之別墅衣食之皆恭人有以相之也布政京任時得時  
物必以奉其姊而童子道易其佳者恭人不之問受之  
而已它日察知之來請姊何為不言曰汝性剛急言則  
汝不能容且口腹微物不足校也封孺人進封恭人成  
化七年十一月廿日卒年六十一子男四人寬憲宥宥  
皆有志世科業舉進士憲成化戊子科舉人宥宥今辛  
丑科復連名第十德仁第四十四德愜是也女一人嫁  
張璠孫男四人昉時二尚幼女二人將以明年正月九  
日墓宛平縣釣魚臺西香山之原李公以予法從舊條

且布政鄉同榜士來屬銘而其諸子述母之德善多可  
書者為最其一二如右而銘以系之銘曰欲知其為賢  
視其族欲知其為教視其子吁嗟乎恭人人誰其似有  
歲于此

涇東小葉卷之六



涇東小藁卷之七

碑銘

興化知府致仕岳君墓志銘

英宗皇帝既復辟宥密之臣累出

親擢其第六人則吾友燕山岳君正也君固奇士而王吏部忠肅公又嘗亟稱其賢

上雅重之君亦自幸魚水之遭凡所陳請所撰述所對答竭盡忠蓋多稱 旨一日湯序言變異以占法進云 茲臣未盡之故

上以問君 叩首曰 茲臣未聞求之將人 自危況序術 踳淺宜不足信

上悅時石曹二猾勢方張君虞其將來必不靖因極言於上前且退而面開導之使為保全計二猾雖陽喏好辭中實銜之蓋未幾君之禍作矣

上猶惜君甚止出為欽州同知既又追及逮繫責戍甘肅之鎮夷二猾尋踵敗

上惻然有思曰岳正言是也召還將復有所用而龍馭上升矣成化初君居母憂服闋御史有言當亟召用君以勸忠 詔仍元職吏部言當調南京有 言其勿

調命充經筵講官纂脩 先朝實錄適兵部清黃官闕

部院大臣會薦君遂以成化元年四月俾知興化府以行君在官生財惠民始詳而終服踰賢守有司者或

不知禮君，迺有歸志。歲己丑，來朝請致仕。家居越三載，為成化八年九月十一日疾卒，得年五十五。公卿以下皆往吊哭，莫不嗟悼。曰：岳先生亡矣。君字季方，別號蒙泉。畿內灤縣人。曾祖德甫，祖思銘，父興懷，達將軍。輕車都尉，府軍前衛指揮同知。母太淑人劉氏。君少年已能學，有名。二十一領鄉薦，卒業太學。正統戊辰會試，同考誤寘落卷中。侍講杜寧獨驚其文言，於高文義公以為此吾輩中人，遂占首選。廷試第三名，授翰林編脩。景泰三年陞右春坊贊善，兼編脩。天順初元改脩撰。是年六月被命入內閣，叅預機務。及其得罪去，僅一月耳。君偉貌，美髯，言論灑灑，動循矩度。居家孝弟，交朋友

有始終之誼平生性剛而志高抱負經濟不輕屈下人有古豪傑之風石曹事或迂議之且以未信為言直應之曰何得以諫官處我道當如是其薦於自信如此人有不可意事雖權貴人當言即言之無宿藏而人不之察以故愛君者雖多卒不能勝夫嫉君者之屢也配宋氏孺人側室周氏王氏子另二增堂皆夫女六長許嫁而卒已嫁者壻朱晁生員李經翰林編脩李東易餘未行君之學精博旁熟莊騷至方外度數諸書無所不窺所著經解務出新意多儒先所未發惟深衣纂誤成書文章有類博稿若干卷書法晉唐可名家於乎才美如君即特置華要

先皇帝之明也中間蹇連坎珂有以不堪處者然觀君  
今日之金緋在躬考終牖下自非

先皇帝

今上皇帝之明且仁則雖欲得此葬矣若是者在君其  
亦可以無憾哉以卒之年十月七日塋祖塋之側君之  
兄端府軍千戶祥哀君無子率其孫子培均坪坦壙長  
掃嚮予乞銘予為作銘慰荅之亦以慰君於地下焉爾  
銘曰古有李白其人亡嗣亦有柳州擯斥以死其名之  
長弗繫乎此

郊孫埋銘

我生五十抱長孫燕歸弥月名郊恩稚如成人貌軒

公卿見者驚與璠一疾遽尔飛神魂父葉母張哭聲吞  
翁婆呼天顛煩寃生于己丑死壬辰金潼歸墓汝伯隣  
銘以識之痛莫伸

贈資政大夫兵部尚書兼翰林院學士商公神  
道碑銘

商子姓帝嚳之後以國氏蔚為中州鉅族代有顯聞宗  
之時有名媛者自汗流寓西夏官其國之鄰知兵馬佞  
仁宗嘉祐初入朝當時義之恩禮優渥賜地于浙之淳  
安迨今家焉公九世祖也曾祖希容祖正新世德弗耀  
父隆甫元仕玄學提舉母黃氏生公諱尚字敬中兄弟  
五人公最幼而最奇穎好學長博通經史至天文地理

陰陽曆律之學靡不研究有詞賦才書藝尤精美可止  
有司累聘起之不受而惟與邑中耆儒任大之萃授徒  
講學之餘擇時選勝登高臨清游歌嘯呼人莫測其意  
也未幾

皇明御天詔徵遺逸郡太守首薦公臨門促行既入覲  
則又以老疾辭

二亦憫其老弗違其志慰諭而遣還之公貌脩偉襟宇  
豁遠平生惇孝友重然諾既無意用世一志造就後進  
雖隣郡士大夫家亦遣子弟來學以成材以去且樂善  
好施敬老恆貧藹然鄉曲忠厚敬讓之風故所至方聞  
之士輒爭相候迓留連款洽至弗忍別其為人敬慕如

此娶同邑胡氏慈惠儉勤克配君子公生元大德甲辰  
卒洪武己未春秋七十有六景泰中以孫輅貴賜誥  
會贈公同輅官為嘉議大夫兵部左侍郎翰林院學士  
兼左春坊大學士胡氏泚人咸化壬辰

今上皇帝進贈資政大夫兵部尚書兼翰林院學士胡  
氏夫人子男三長曰睿次曰瑛次曰瑋字仲瑄寧德縣  
典史累贈資政大夫兵部尚書兼翰林院學士孫男十  
人志華奎餘斌洪榜敏浩其幼即輅也輅舉進士鄉闈  
禮部 致廷三試皆第一人由翰林脩撰累陞侍讀及  
學士左侍郎鄉大學士今為戶部尚書兼翰林院學士  
至朝大節夷險一致為



列聖所信任曾孫男七人貴貫良顯醫學訓科校良臣  
進士翰林編脩良佐邑庠生良輔國子生女六八玄孫  
男七人女四人公自諱月岩所著有月岩初中晚三齋  
藏于家公與夫人墓里龍門河高原公所豫卜也於是  
輅自為狀以屬於盛欲書其神道之碑盛於商氏蓋相  
識知三十有三年矣年家之誼不敢以不文辭敬叙次  
如上而復系之銘其辭曰維物自天維人自祖匪天曷  
生匪祖曷我爽商宗瓊昉淳安秉義來歸被此賞延  
異代相承簪纓相禪有欲問年千歲幾半書詩同業稼  
屋連甍又則繼大德人挺生維公之生前輝後啓提與  
在廷賓慕是似可止則止當為弗為山巔水澁蕙佩蘭

禧彼方驚馳我祇我厚若將有遺故不自取篤生令孫  
在

帝之旁鹽梅麴蘖雲漢天章徵珪榻前頗牧禁中

皇曰此賢源厥所從乃有命書再三其錫曰善曰仁

重曰厚積辟彼甘盤芳冽不波孰知其初浚鑿功多  
如嘉穀民食允賴易之藹之寧止培溉世有恒言天道  
報施倚嗟乎公茲寔以之報施云何真君符契凡百觀  
省胡不用勗龍門之山泉出警環公有遺玉合瘞其間  
下蔭雲仍上戴

天子福祉華誕世々無止

南京戶部右侍郎黃公志銘

公黃姓諱琛字廷獻別號素菴後更號簡菴余所為作  
記也其先光州人徙于閩再徙于延平則自宋少師忠  
簡公伯固始故今為延平將樂人曾大父子實大父公  
貴父崇皆不仕以公貴大父累贈通議大夫南京戶  
部右侍郎祖母某母蕭皆浙人公生有奇質誦讀不煩  
程課長游庠序中即能問知天下方岳賢否欲為法戒  
老長驚異之舉進士名在乙榜請卒業南監與今大司  
徒闕西楊公同舍兩人情如金石且皆有才名祭酒以  
下待以殊禮不同諸生士大夫亦有能以遠大期之者  
正統己未進士登第授戶部清吏司主事未幾署員外  
郎時朝廷遣使巡撫江南總督糧儲有言其歲久糧

耗而弊滋由是公出按事稍嚴有司望風震懾或曰使  
者有勞効有惠在人蓋少緩公曰功過不相掩且吾知  
奉命清革耳今日巧名之多浮費之鉅如所謂不賞之  
輿梁無跡之巨與天釋老之廬全碧輝耀郡邑相望  
皆國之錢穀民之膏血也此欲獨為典司者隱邪竟以  
實聞公論愜服尋陞郎中景泰癸酉陞江西左叅政遷  
左布政使內艱起復調浙江所至寬厚正大不察於  
簿書之末而惟植善抑邪保境安人尤注意守令之選  
時以為得方岳重臣體成化丁亥起遷南京戶部右侍  
郎庚寅奉勅四川巡視撫安考察悉從便宜公以求  
民隱精黜陟為己任不憚險僻徧州小邑躬自涉歷有

所陳白悉報可辛卯冬始復任以勞勩故多病感

上恩遇未敢言去即奏乞歸展省未得而病作卒成化九年二月廿四日也距其主永樂癸巳得年六十有一禮部以聞

上為悼惜祭塋咸如禮墓在某山之原公外和而內剛寡交與平生不識權貴不譚異端不禮淫祠好善嫉惡出於至誠流俗之人鮮當其意者有清鑑善臧否人物率多中至今多能傳之自處潔廉簡約於物澹然無所好雖冠衣不求甚飾而於倫誼大節則一事不苟且晉陵楊升璣嘗言黃同年可以託妻寄子人也亡友張節之曰交游中如廷獻真不愧學者噫使天假公以年得

志大行其所至豈在古人下哉惜乎其止於是也所著  
有詩文雜藁書義若干卷和唐音若干卷配陳氏封琳  
人側室李氏子男三謙國子生某蚤卒某幼女一尚在  
室俱李氏出也公之歿今南京吏部尚書崔公治其後  
事訃既來北京楊公造文為奠已復為執筆書其神道  
之碑且以埋銘見屬於余蓋楊公固莫逆崔公舊寮而  
余則忝存從之末者也尚忍銘公哉而亦豈出於其私  
者哉銘曰端人莊士古難之世日以遠事可知黃公三  
尺中人安才高氣逸識者誰粗糲在槃甘若飴鐵石此  
心千古斯

立有委命曷敢欺曰是與非謹執持鞠躬盡瘁忘其疲

顧忌怠忽我何為屢試必效固不宜亦云什不遠一施  
臣志尚強臣骨羸含咲奄忽與世辭九重嘉念良弗  
遺褒綽有文藏有祠後有考德眎銘詩

漁樂湯翁墓志銘

余素癖不意交接亦居三十年吾郡城人去來吾廬不  
相厭苦者不能數十人若湯澂氏則其人也余所重澂  
初見頗言文墨不及官府事不忘其師楊瑋顏先生楊  
先生家有宗高孝兩朝宸翰刻石澂為補葺有武康勅  
堊先塋澂為管督有武昌再籍之戍之艱澂為營護言  
則必曰老先生老先生且又歸其父曰此非澂所能澂  
父所命也夫楊先生嘗仕至禮部尚書國尊顯于朝然

死矣澂何為哉古之人師死而遂倍之有焉矧今人乎  
澂以生計客京師一日既別余歸省尋復來及門拜且  
哭曰澂不幸不得見吾父矣願乞吾父銘余哀其情而  
諾之有不遑暇其所厚善鑒察御史夏德乾又屢言湯  
翁墓期近於是俾附驛中人而與之銘按舉人劉傳狀  
翁名賢字以德蘇之長洲人曾祖榮祖成甫父彥輝號  
雪溪以道術徵又以醫徵皆有名母尹氏翁其仲子為  
其父執頽繼宗贅壻業醫旁通地理薄游湖江風采曠  
逸名士往來識之性急義在武昌或告之曰蘇有願生  
謫吏去雲南婦將薦商舶不可容迫之磧聞翁走告江  
夏教諭周士恒僦屋與居踰月又聞其一女子賣倡家



蓋願貧甚利仁家多金而速且閔耳以問顧慚諱不能  
言詢之雖實倡復難之翁匍匐力陳于長史管延枝倡  
始服三人各出資贖與之姪乃已華亭陶振與翁好寓  
白金餘二斤振卒于暴疾其家莫之知翁往吊祭持還  
其家它多類此翁晚居楓橋以漁樂自命人因稱之配  
顏氏先六年卒子男三長即澂其次清洪女適吳衡孫  
男八某女五永樂己未閏十一月某日生成化九年  
七月十三日卒壽七十有一以某月日合葬吳縣桃花  
塢之原銘日子之義由其父之義嗟尔後之人唯是視

南京吏部尚書致任進階榮祿大夫謚文靖魏

公墓志銘

成化七年八月戊辰

上御奉天門顧禮部臣曰尚書魏驥壽及百齡兼有德望朕深嘉悅其勅遣行人存問賜羊酒有司月給米三石贍之勅未臨浙公先以是年九月薨于里第有司已得請如例祭墓既而其家以公遺言上臣驥死無憾愧無以報朝廷恩恤之典乞辭免

上若曰老臣清儉固爾死尚然邪不可不以成其志其諾之我於乎茲兩事前所未有也夫君臣之間仁之至義之盡雖古昔盛時聖賢相遭曾不是過蓋曠千百年而一見焉孰謂世道可誣哉公子完以公門人禮部尚書鄒君幹所為狀請銘盛嘗辱知愛於公不敢終辭按

狀公魏氏諱驥字仲房紹興蕭山人也永樂四年會試  
乙榜為松江府學訓導遷太常寺博士甲辰從征國有  
大事公悉與聞遷吏部考功員外郎陞太常少卿尋為  
行在吏部左侍郎以老辭調禮部又辭特改南京吏部  
丞優待焉九載入見乞致仕不允陞尚書景泰庚午已  
四乞骸始得歸時年七十有七自承事郎累轉至資善  
大夫天順甲申 詔下進階榮祿大夫嘗纂脩永樂大  
典聘考江西鄉試者二同考會試者三奉勅巡視畿甸  
持節慶代府冊封郊廟耕籍諸禮典無不預公為人以  
端重祗慎簡默廉勤為本頗好別白君子小人嘗曰孟  
氏不云乎無是非之心非人也學者可忽哉品量之下

人信服之同列有後進公事越職公面折之即止雖然  
誹弗恆也其少舉於鄉聞父病不俟撤棘而回老年事  
其兄教諭先生麒愈益恭謹在學校嚴師道與諸生冠  
衣相對不聞寒暑蒞官所至崇正抑邪務大體山川壇  
獲雙白兔圻內升瑞麥皆御弗奏漁陽復漢循吏祠復  
立洪武望祭北鎮碑冒平正狄果公祠在吏部有進士  
未終制來欲為考功者同官可之公曰選法不可擅又  
可 上欺邪已已之變公在南都寢食靡違率諸司條  
陳討胡安民之策多見施行法司因旱恆刑有王剛惡  
還訴寃或以其年少欲緩之公曰此婦人之仁天道不  
時正此謂也獄遂決翌日而雨又成卒四人牧馬三人

互毆一人死之可司欲拷訊三人內一人當之公曰罪一人則情可矜罪三人則律不合宜

上請卒得旨三人各杖百改戍邊它多類此里居二十年無事不踰戶閫而遠適敬禮候問者相屬於道公遇鄉人言孝友忠信遇有官者言勤謹和緩布袍糲食不別治生其清脩苦節人或難之不忘憂國與民語及輒感頌以為常其鄉故多水患有楊龜山湖堤遺跡塘堰不為厭勸篇章之富山刊板刻幾徧天下有南齋集若干卷松江志水利切要理學正義等傳于世先公薨旬餘一夕大星殞其隣王文政庭中公忽就枕口占我平

生不作欺心事一點靈光直上行既薨而復語意不亂  
儻然而逝訃聞識與不識莫不嗟悼松人士相率走吊  
于門制服哭奠哀感尤深云公之先居河南五世祖宗  
江淮制置司制幹文昌始家臨安常德路判官有聲元  
臨平務副使應其高祖也初毅廣東鹽課提舉父希哲  
上高知縣以兄伯雅無嗣命公為後公既貴毅伯雅皆  
累贈正議大夫資治尹南京吏部左侍郎妣皆泚人公  
配戴氏累封泚人側室丘氏子男四某某其完鴻臚序  
班女五適某某孫男十人曾孫二人完以其年  
月日葬公齊家塢之樂丘盛又聞公家營墓之使既至  
丘氏趣其子行曰若忘而父之言乎由是完匍匐詣

聞橋中輟之 命又可以知公之德之盛平日所以刑  
於家者何如也嘗觀夫七八十年來名臣舊德所謂三  
楊二王蹇夏師黃胡于諸公其於公或為舉將或延子  
師或相益友皆禮重無間以至門生故吏如陳少保循  
蕭宮師鎡李文達賢翰林楊君珙尹君鳳岐周君敘劉  
文安定之祭酒陳君詢自餘方州學職多不勝數然淪  
謝畧盡知德者寡矣後生晚出景慕公者如監察御史  
梁昉知縣李鞏輩不少也公未襄事李鞏復以公行應  
謚法言 特賜謚曰文靖於乎公孝友行於家信義重  
於鄉居官為良吏典教為明師為六朝名卿為一代達  
尊生軀

帝思沒厯國謚銘其宜哉銘曰于嗟乎公之官八座人  
不以為過于嗟乎公之壽百齡或猶以為何斯人之不  
久生于嗟乎公厥聲隆之厥位崇之寔繁其衆孰如文  
靖公之也何為一德初終于嗟乎公永世清風

五弟葉德之壙志

仲五弟名振字德之一字與德吾季父愛間公子也愛  
間公少壻于錢既有家航練涇生輒女頗不喜也年幾  
四十而吾弟始生為喜可知弱冠遣從令監察御史夏  
德乾游學縣城能說四書而以筆力弗暇仕治生於家  
為人貌儻而性通以氣誼自豪人不能慢里中人倚賴  
之成化八年九月五日以疾卒得年三十有三其生則



正統庚申十一月廿三日也卒之明年四月二日于麒  
來吾始聞其訃蓋族之人必予之惜吾弟其匿不使知  
耳於乎吾誠惜吾弟哉吾為兄弟者今幾何人吾亦老  
且將歸矣他日曷從而再見吾弟哉吾季父母哭子時  
年皆七十矣少者已老者存老者其忍為少者而哭哉  
昔日之喜其能勝夫今日之悲哉孰謂人間世有如是  
事而能有不悲者哉德之娶邵氏生子男一果今九歲  
女三曰貞曰端曰闕奴以成化十年某月日墓某原而  
其從兄吏部左侍郎崑山葉盛為之誌於予德之命矣  
悲夫

汪東小集卷之七